

居易錄卷十九

濟南 王士禎 著

虞山錢牧翁謂梧溪集記宋元末國事人才多史家
所未備予讀之信然又如宋高皇壽成殿汝鼈觶引
孟郡王忠厚佩印歌制置彭大雅瑪瑙酒椀歌之類
尤令觀者一唱三歎予最愛其題王冕墨梅一絕云
霜落銀河月在天美人松下鬪嬋娟一枝倒影吳牛
角曾似知章踏酒船自序云冕者畫梅常羈牛遊京
城名貴側目

兵部員外郎裴泰新安人假歸將行以其邑訓儀封